

船

山

詩

草

船山詩草卷十二

遂寧 張問陶 仲治

京朝集

乙卯

乙卯元日紀甲寅除夕之夢

紅蓮白蓮千萬頃水風香透天人影
高山大河千萬重飛行處處畱仙蹤
靈境縱橫無不可夢中不是人中我
覺來華燭光能熊開出歲朝花一朶

醉歌行

古人不能飲我杯中酒我今不醉更有古人不能

和我醉後歌今我不樂當奈何天生萬物亦偶然相逢莫歎囊無錢舉首堂堂對白日世間何物爲神仙春風來拂人融融天下煖酒伴相招無近遠黃金大斗玻璃碗眼中不必名山大川千萬里耳中不必鸞笙鳳鶴迎風起但使開筵且放懷一杯笑向風塵裏武安侯程將軍灌夫視之曾不一錢值可憐富貴重浮雲

正月二十二日日占送侯竹愚

萬里悲炎海之官竟爲貧屈君爲小吏閱世總前因再見知何日相看惜此人國西門外別煙柳不勝春

二月初旬病中作

酒興多時退詩情一例除上賓惟債主清課是醫書
落拓官逾冷飢疲髮漸疎東風應笑我孤負杏花初
輓鄭母李安人
運河風雨片帆遲尙憶兒時拜母時二十餘年如夢
影不堪重讀渭陽詩

二月十三日夜

惱我窮愁太不聊病懷潦草負花朝城中月色三更
遠事外鄉心萬里遙婚宦已過皆幻景寒溫無定是
春宵故人莫笑詩情減還仗新詩慰寂寥

仲春口號

門外車塵漸埽除
春寒頗覺故人疎
京朝官有山林氣
日辦蘄鹽夜讀書

懷人書屋

朝鮮尹仁泰隸書

多情徒自苦
日日坐懷人
寫以朝鮮使
天涯盡北鄰

繡佛齋

朱滄淵篆書

蕭齋本無佛
乘醉偶逃禪
偏惹知詩婢
銅瓶供白蓮

春日晨起

窗白鴉聲散
無人覺曉晴
夜光猶淡遠
夢味漸分明
息念憐羣動
憑空悟此生
坐看天影闊
塵海自平平

題紅豆村人集卽送袁香亭補司馬之任粵

東

華髮登場又補官
達人身世本來寬
多情定覺臨民易
到海何愁得句難
邊徼重遊真汗漫
通才爲政自清安
丹青莫放奇山水
收取炎州畫裏看

閏二月十六日清明與王香圃麟生徐石溪

查蘭圃小山兄弟攜酒遊釣魚臺看桃花歸

過白雲觀法源寺卽事二首

不放清明節西郊
任往還荒墳沿路有
浮世幾人閒
詩思滿驢背
溪光悅酒顏
桃花應冷笑
晴雪凍春山

佛老今何處琳宮次第過醉中真趣得方外俗人多
白足驚車馬黃金汙薜蘿誰能持半偈爲我逐詩魔

贈查蘭圃堂

相逢握手便欣然恐有前生未了緣我輩天機應不
淺古人交道可無傳白雲偏向塵中贈好月都從悟
後圓一卷名經一壺酒知君是佛是神仙

暮春

閉門高臥儘風塵官爲閒秋負好春插架書殘猶可
借賣花聲過始知貧空由有夢歸何日浮世無端著
此人意氣漸平詩漸少拈毫不敢論錢神

乙卯春日寄懷外舅林西庄先生時督糧秀

山

弓刀影裏鬢蕭蕭幾載征塵萬里遙才掃戰雲清絕
域又援桴鼓問頑苗兵刑任重愁邊微鐵石心孤感
聖朝莫歎從戎人漸老將軍還是霍嫖姚

三月十三日復舉一女

連年生女杏花初也覺春風繞敝廬世上忽添新姊
妹老來分付舊琴書徵蘭有待閨人嬾懸悅無聊賀
客疎最是高堂難報與抱孫深望未銷除

送蔡呂橋曾源之任翼城

壯遊已倦始鳴琴爲政原須閱歷深詩好分明修月
手才高珍重濟時心從來晉用多豪傑未必唐風異
古今我是鄉人太狂簡大言相贈不沈吟

乙卯春夏與穀人前輩飲酒詩

宦情閒處讀書真難得神仙作比鄰下筆不求驚俗
眼閉門同忘是官身奇文傳世原無口公論憑心自
有人何止窮交重知己兩家僮僕亦相親

幾年花雪聚燕臺車馬聲中酒一杯各有歸心勞日
夜空摩倦眼看塵埃天圍雲棧千峯出潮湧錢江萬
弩來我愛杭州公愛蜀欲攬鄉夢作詩材

蒔塘分發浙江作詩送別

柳暗長橋路又歧
贈言情重勝傷離
民逢能吏真無福
官愛虛名更可疑
但使人心存直道
何須我輩合時宜
請君細讀循良傳
經世才華不在奇

四月三十日雨中排悶邀亥白兄受之弟同作

他鄉兄弟幾時還
半榻殘書午夢閒
長日閉門同聽雨
隔窗疑有故鄉山

聽罷風聲又雨聲
無聊三載住都城
一官頗似羊公鶴
偏到人前不宜鳴

閱徧名場事可知一杯消遣落花時
雞蟲得失全無味莫作尋常下第詩

前身都是打包僧聚散如雲未可憑
難得人閒風雨夜一堂同對讀書燈

五月八日蘭圃小山兄弟招同葑亭給諫穀

人編修及徐石溪孝廉攜酒遊金園

徐名麗生

出城如出世水木忽清華雲釀前村雨
風留昨夜花輕萍千葉小疎竹萬枝斜
欲補名園記亭池更幾家笑折新荷葉
含香飲碧筍縱談忘少長狂舞駭兒童
雞犬疑天上軒窗入畫中四筵摩醉眼
誰不美徐公

舉酒銷長夏園林鎮日閒有生皆過客無事卽深山
蟲響圓筵筑溪聲想珮環畱詩同書壁剩欲問雙鬢
花鳥驚前夢壺觴此再經斷橋沈水白遠岫極天青
屋影迷千樹廚煙散一庭主人何日去清福讓園丁
爲錢雲巖畫石榴花題句

萬里誰乘博望槎閉門爭種石榴花不應就熟開如
人祇恐迎風散作霞龍燭夜明千點出蒲觴低映一
枝斜塗林園遠金櫻改半爲君家半我家

王椒畦移榻同居作詩誌喜邀亥白兄同作
門懶張羅刺嫩投塵中車笠太悠悠交情何處尋雷

義家客從今得馬周彈指十年多聚散翦燈一夕話
沈浮過江人物空標榜溫嶠寧甘第二流

夏日讀書

不知門外盡塵埃隨手丹黃一卷開無事何須投筆
起此生原爲讀書來科名已得愁非分經史重看患
有才獨鶴長鳴聲自遠同巢鷓鴣莫相猜

讀史作

一編青史太陳陳上下千秋笑轉輪治亂憑天如有
數安危注意恐無人祇聞叔世多豪傑不信深山易
隱淪歎息典謨三五冊萬年難遇此君臣

五月十三日淵如比部覆車正陽門傷足時
以京察將得外任

十丈塵中忽覆車何如款段繞鄉閭幾成折臂三公
相未損填胸萬卷書失馬事難論禍福信天人不避
孤虛一麾縱有澄清志珍重陳蕃攬轡初

題徐壽徵心陶書屋圖

縹渺峯前雨氣分五湖煙水綠沄沄塵中採藥常爲
客畫裏看山欲訪君莫指林泉如傳舍須防猿鶴笑
移文拂衣好學陶宏景未可逢人贈白雲

五月十九快雨與雲巖椒畦亥白受之飲酒

飛電劃雲去驚雷繞戶低摩天風勢陡潑地雨聲齊
却暑神先王迎涼醉不迷環堵三尺水如坐浣花溪
瑛夢禪寶指畫山雨欲來風滿樓詩意爲英
煦齋和編修題

十指濡墨運天矩灑向人前作風雨高低滿紙樹森
森陡覺危樓勢軒舉我聞指畫精奇不遊戲我朝創
自

章皇帝生面重開高侍郎雲龍風虎談何易百年以
來誰繼起弟子爭誇朱與李尋常不肖用毛錐妙手
憑空出新理莫愁絕藝今無傳眼中之人瑛夢禪使

指通神如使筆香光常繞兜羅縣乘興偶然爲此幅
隆隆腕底蛟龍伏想象虛堂拂案時錚鏦爪甲鳴金
玉攬圖我亦知其趣拊掌狂吟爲題句炎炎五月火
雲高竟欲披襟畫中去

夏日戲作

一月不尋巾襪六時常枕詩書欲問空山猿鳥此官
情味何如

問字堂圖爲淵如前輩題

朝鮮朴齊家書
額羅雨峯作圖

好奇應笑不狂狂海客親題問字堂請學重逢蕭穎
士傳神如畫孟襄陽文章浩蕩無中外碑版零星數

漢唐一任雞林高紙價閉門還爲著書忙
穆穆虛堂造字圖聖倉心法異伏盧說文遠接秦丞
相載酒羞談莽大夫有眼終能通篆籀不才安用識
之無人生憂患原非一此意何從問俗儒

五月卽事

斷雲朝暮亂陰晴炙手炎歊太不情益有新花防日
氣院無嘉樹少蟬聲茶瓜誰領閒中味蠅蚋還從熱
處爭臥看圖經話山海幾人懷抱似淵明

夏日與椒畦亥白受之讀書作

難得虛窗共一燈炎炎朱夏意如冰幾經離聚憐兄

弟欲棄詩書畏友朋此處閒緣疑有數外閒交道恐
無憑清貧未厭長飢渴同是雲堂粥飯僧

六月三日送吳季達同年 裕智入盤山讀書

盤谷自然好人來山更青風泉供試茗林月照溫經
疾苦古農事寬閒養性靈城中車馬客相望隔雲屏

贈王香田 煊葑亭給事之姪

車馬聲中暫結鄰但能相見總前因烏衣馳譽多名
士采筆畱題半美人笑我論交常落落聽君談藝最
津津何當買取金陵酒同醉秦淮夢裏春

畫松

繁林繞地影參差橫絕如龍樹一枝想到大才難用
處後彫風骨畏人知

夏日閒居

銷夏百無事虛堂午夢清閒愁憐蟻鬪默坐看蠅營
籬豆參差長風蟬次第鳴當關休報客赤足過三庚

排悶戲作

人才有數總天生未必爭名便得名小被轉輪王看
破蔡雍前世卽張衡

墮地先營避債臺青蚨那肯逼人來冥司偏獨憐張
說一十紅爐鑄橫財

六月咏蠅

形穢心偏巧端居見物情乘時先逐臭就熱亦飛聲
驥尾身能附蛟雷勢竟成炎威何可恃憐汝太營營
題椒畦牡丹小幅
色嬌香重費支持斜倚濃春笑一枝莫羨此花真富
貴有人爲畫欲殘時

畫馬自題

孫陽一過馬羣空虎脊龍文定不同想著風雲真意
氣恨無奇筆畫英雄

夏日看椒畦作畫

同避炎歊晝掩門丹青隨手送朝昏揮毫似吐英雄
氣落紙都忘筆墨痕才大總能通變化藝成也足動
心魂風塵自保山林趣此意憑誰與細論

乍涼

一雨送殘暑秋聲來夜闌乍涼歸思悄久住宦情安
鄰酒頻賒易朝衣補製難三年此庭樹搖落夢中看
得家書知以五月九日移居城北廨舍慨然
有作

老屋三年別新秋一紙書他鄉方避債故國又移居
貧極家無定愁深夢有餘悠悠天壤內何處信吾廬

乙卯六月二十日雨夜懷石琢堂同年湖南

學使

秋色連雲夢因君動別情
三苗猶梗化六月未休兵
士氣寧無恙文心定不驚
衡陽何處雁將相久南征
七月五日對町給事穀人編修招集有正味
齋酒半得雨口占一律

酒興愁中減因君又舉杯
開軒有花竹快意忽風雲
秋色隨人至詩情仗雨催
燃燈還卜夜沈醉不須回
七月六日籬豆初花戲作

葉重短籬綠豆花紅一枝情
懷疎雨後風味早秋時

蔓長鄰人見香清爨婢知開樽供小摘引出醉中詩

送椒畦歸崑山

交久如兄弟關心又別離遣愁惟命酒無語到臨歧
爲我憂親老因君感數奇詩書期不負分手莫相疑

借椒山房圖爲陳蔭山虔棟同年題

鄰樹爲誰青秋陰恰滿庭雨香隨蝶至風籟隔牆聽
未礙侵書幌偏宜寫畫屏催租人不列詩筆更清靈

題畫

舟過水風平懸厓老樹橫雨餘蕙影重波靜釣絲輕
雁響分遙浦山光悅晚晴蓬窗應夜坐漁火照書聲

觀象棋乙卯八月戲作

勝負如兒戲閒情壁上觀人誇兵勢衆我覺將才難
已見全軍覆猶聞呼渡河焚舟憑一戰不在殺人多
舉手誇車戰當頭笑火攻欺人何太甚謹愼是英雄
猛馬方窺塹奇兵又合圍此時談相業珍重保軍威
養士寧無報居然左右君子房在帷幄休笑不能軍
閩外攻心急相持亦可憐旁觀有明眼一著看誰先
中秋前一日與對亭給事穀人琴柯編修蘭
圃小山昆季及亥白兄載酒出南西門飲于
草橋之東賣花翁丁氏花園

野人籬下秋光遠笑指寒林並馬來村酒澆愁還磊
落國門回首自塵埃官貧轉覺閒時少花好偏從冷
處開安得年年皆我輩煮魚蒸蟹問豐臺

與葑亭給事穀人編修小山比部飲酒作

何須車笠苦丁寧交道原殊亦上薛各吐心胸如日
月便非仙佛亦精靈驚天醉語能堪謔罵鬼奇詩許
共聽至竟幾人同肺腑向來輕易說忘形

八月二十一日香圃攜酒過訪與金霽坪王

文雨

霽

亥白兄受之弟痛飲分韻得色字

丈夫吁可悲不能自爲食王郎知我貧治具一金直

敲門冒相就杯盤羅頃刻如移吳楚民用之實巴焚
我聞古英雄遭時有通塞當其守飢寒一飯以爲德
綦涼淮陰市慘淡翳柔側窮餓亦偶然旁觀動顏色
艱難昧生理求死復不得感此飛巨觥歌聲騰酒國
潛仲持牙籌本初爲劫賊我輩無此才可爲長歎息
陳蔭山舍人慶槐招同胡城東朱少仙曹扶
谷陸平泉集借樹山房各以姓分韻得陳字
限五古

小儒未聞道搖臂稱詩人詩如太倉粟相因何陳陳
舍人敝吟席舉酒忘其貧四座集英彥說藝都津津

容我醉無禮狂談驚鬼神狂談殊不易聞者當酸辛
士窮智乃足身苦氣益振胸中有天地觸物皆經綸
以此事章句譬諸龍一鱗關心在時移下筆唯天真
歌哭亦何罪本來非隱淪是時秋氣嚴寒大聲狺狺
壺傾更相酌壯志誰能馴

仲秋病嘔作詩排悶

謀生無計强支持滿院秋聲病起遲斷酒幾曾圖作
佛嘔心殊不爲吟詩風雲氣向閒中捐冷煖情從悟
後知債積囊空歸未得那能遙問草堂賢

解嘲一首示胡子言

唐

疎放從天性蕭閒亦宦情差能耐官職何暇傲公卿
詩酒飄如寄神僊學未成祇愁狂不古安敢避狂名

送范攝生夫子督學湖南

論文從古近酸寒風雅莊嚴只此官乍喜陽春將化
楚自矜水部久師韓纏綿教士情能到慷慨憐才例
最寬祖帳青門獨惆悵感恩偏覺送行難

嶽雨湖雲望可知采風應問伏波祠文章光燄銷兵
氣山斗聲名起聖時南國才多歸大雅西曹官冷
稱嚴師衡湘他日同門友好聽歌饒和此詩

秋意

秋色蕭疎日易斜
胸無好句手頻叉
驚人小鳥去何處
急飛折一枝籬豆花

內子以鍼線貼索詩爲題長句

也似名心未掃除
舊時花樣背生疎
新衣小製憐嬌女
古錦重裁裏異書
課婢丁寧開卷後
拈鍼子細上燈初
一編儘有詩情味
夫婿才華恐不如

八月晦日聞雁感賦一詩邀亥白兄受之弟

同作

夜堂愁坐亂書堆
情話纏綿共舉杯
秋氣乍隨風雨至
雁聲應爲弟兄來
恐無歸計鄉心紅
漸近中年急

景催人世升沈堪一笑江湖廊廟總徘徊

秋日漫賦

衣破木棉冷一家何太貧逢秋先病酒見月易懷人
倩急書難抵厨空犬亦馴鄉山應笑我歸計尙因循

詠小山齋中盆桂

枝小垂金粟逢時也自榮樹從高價得香憶在山清
對影花如悟留人月乍明不須招隱士風露滿秋城

九月六日長椿寺金絲柳下與蘭圃小山看

菊飲酒作

寺古僧殘佛亦愁風幡影裏暫勾留菊因花瘦能依

我柳爲條長易感秋小摘有情須痛飲重來此地是
回頭一堂鐘梵匆匆極也似應官不自由
樓殿玲瓏幾層盛衰初地也無憑青銅笑指前朝
塔白酒難邀退院僧到處萸香催九日一枝花影悟
三乘淋漓醉墨沾衣袖欲寫秋懷思不勝

磨勘

磨人忍使墨無情眯眼文章少定評到此猶難論成
敗從前容易說功名字如落巢誰能掃筆果凌雲我
亦驚低首降心重細讀較他玉尺更分明

田山舊大通秋泛圖爲鷺庭編修題

披圖已識城東路聞上人家橋外樹指點田郎秋泛
時百年風景猶如故郁生墨戲何精整不逞新奇畫
真景開纜遙遙一塔來挽舟得得雙驢引米囊蒲河
人滿野車輿奴隸兼牛馬此輩紛紛俗可知一經點
筆皆風雅憶昔

仁皇盛文藻儒臣都似田郎好名卿跌宕擬歐蘇下
位浮沈亦郊島冠佩蟬聯望若仙運租船作珍珠船
太倉儘有陳陳粟不典朝衣足酒錢三藩漸定猶征
戍越嶠秦關屢回顧文醺流連背負官儲晉早使風
雲護如此華筵直幾金居然一往有情深若非顧陸

丹青手誰寫江湖廊廟心
馮君得圖圖亦喜邀我題
詩同拊髀一朝能得幾傳人
我欲持杯問流水

畫蝶爲桂未谷

馥

同年題

栩栩遽遽尙有情爲周爲蝶
不分明化人闔世渾如
夢隨意花閒過一生

寄椒畦

筆硯清寒嬾寄書
離情猶似送行人
堪經世誰能
薦君肯還鄉我不
如有數奇才偏冷落
無聊生計轉
迂疎閒官蹤跡休
相問新種梅花手
自鋤

輓錢南園

澧

侍御

莫焚諫紙爲招魂恐有平生未報恩如此人才偏見
死始知天道竟難論氣憑豸繡心猶活名是問羅鬼
亦尊三尺遺孤家萬里一棺秋雨正黃昏
憶對長蘼戒獨醒箴規清切爲忘形乍居津要頭先
白不倚孤高眼自青飲食兼人窮更苦參蓍誤死藥
偏靈傷心忍負樽前約許我親題有道銘

與宋芝山羅兩峰桂未谷就馮魚山比部飲
酒卽席贈魚山

真氣貫五嶽道心承六經大儒偏愛酒小畫亦通靈
冬史堆成屋秋花種作屏哦詩還自笑肯使俗人聽

乙卯九月乍寒無衣每出輒衣玄白兄裘裳
口古志慨

清貧無計謝塵勞風緊霜嚴首重搔
莫歎白羊裘太薄他鄉兄弟幸同袍

初冬送金霽坪歸婺源

連年詩酒興一往見深情有鳥方求友看山忽送行
貧知交道厚歸覺壯心驚預定重來約揮絃聽鹿鳴

自題畫馬

九月二十八日

今夕空維繫蕭蕭風滿林防他千聖足還有債轅心

寄香田

話到秦淮醉不支清狂長記送君時花前笑語如相
憶別後情懷自可知牛背眼光應早試錦囊心血肯
無奇生憎標格詩同好累我逢人說項斯

玉極庵訪未谷飲酒

六十方爲政尋常負官早知經世苦不減著書難
老景氈毼鶴初心苜蓿盤他時聽縣鼓莫厭腐儒餐

冬夜對月

漏盡天光出塵中氣一新愛看深夜月如對古時人
才退詩皆偈心空夢亦真銜杯還笑問或恐是前身

有感

枉被時流笑相看惜酒人心平歸夢遠愁重小詩新
無事虛中裁多情累此身養閒亦何罪官職本詞臣
忻州收汪君本直重修詩人元遺山之墓寄
題五律二首

爲愛詩人墓重開野史亭祠堂增肅穆翁仲亦英靈
孫遠修家祭碑殘補舊銘韓巖村下路雲簇好山青
喜陳蒨溪先生歸自塞垣兼呈笠帆遠雯昆
仲

塞雲輕送馬蹄飛十四年從萬里歸兒喜已成當代
雋母慈重認去時衣燈前回首窮荒遠醉後關心舊

侶稀何止升沈全悟徹詩經憂患亦忘機
爲公悲喜動天真老輩終能恕酒人雛鳳一雙官早
逢陽關三疊味猶辛刀鐏乍醒無情夢骨肉還多未
了因莫笑投詩眉欲舞兩家交道本荀陳

題翁覃溪學士贈未谷竹根三贊畫冊各係
一詩祝未谷六十壽

參透玉版禪游戲得三昧是竹是應真靈根同不壞
笑登傀儡場因緣無望礙彼法有此君此君具我輩
右阿羅漢

妄語狝呌牙妙解鶴俛啄射覆隱東方剛得簪簪竹

盜桃割賜肉不瘦亦不俗著樹爲寄生何須飽囊粟

右東方曼倩

頭如南山邱面如凍梨色刻竹象星辰竹有君子德
大年小靈椿天年笑樗櫟讓此禿老翁上壽乃無敵

右壽星

題馮實庵

培給事種竹圖

隨意風前種幾枝此君清不畏人知略容老鶴同軒
荔祇覺孤花尙入時淡處傳神難點綴生來有品易
支持畫圖情味通禪悅開卷如參玉版師

人高何處寫胸襟笑指清風欲滿林一日可能忘勁

節數竿常自抱虛心偶依春水香尤遠未補梅花韻
已深想像詩腸無俗物不生芒角亦森森

感懷一首荅米谷

轉爲浮名負此身登場傀儡不能神詩窮每易逢貧
字酒醒偏難避醉人那敢顛狂輕吐氣偶談懷抱欲
沾巾酸寒一任兒童笑交到忘年自有真

十月二十七夜始雪

窗靜氣森沈開簾雪已深一年求友意昨夜與衣心
指凍書難作燈寒酒易斟宦情殊不惡瀟灑似山林
十月二十八日雪與亥白兄分韻得十蒸韻

君我遊塵海除詩百不能才華霜後菊心緒定中僧
閱世憑雙眼傳衣是一燈雪窗重檢韻風味冷如冰

有所得戲作偈子詩四首呈蘭圃

食少空捫腹官窮枉折腰自從忘昨日始覺有今朝
我豈輕儒術君猶愛道書靜中聊閉眼誰復見生初
酒亦銷閒耳詩真妄聽之世緣無著處此境幾人知
明月不可掇長江空自流本無生死相何用說髑髏
十月二十九日與介茲亥白同押煤字韻
他鄉如倦鳥寒甚且相偎窗冷侵晨雪廚溫隔夜煤
功名悲櫪馬聚散怯風桅那得紅爐炭金罇泛綠醅

冬日飲酒六首用玄白兄韻

世無不死藥何必求長生長生轉無味慨焉如遠征
所以古達人壽天心不驚甘爲渾沌氏以酒陶其情
不醉本無得醉更何所爭浩然學天地明晦皆平平
詩書亦物累不如養我閒醉鄉有宣尼安知不盡刪
商周秦漢前有酒無馬班棗梨獨何罪文史堆成山
豈獨智愚死蠢魚難往還我身非蠢魚那得無酒顏
推書浮太白一笑忘塵寰

本無作詩心對酒忽成句不醉詩不來旣醉詩已去
去來絕依附誰復知其故浮雲過青天飄搖隨所赴

酒氣出十指下筆遂多誤酒自不負詩詩終酒之靈
大圖湧山海奇字蟠龍蚪我容人有技一一常相求
俸錢酬紙價裝背不得休卷軸日已富居然成臥遊
虛堂時獨飲繞屋皆朋儔神光騰四壁異才羅九州
差勝田舍翁牛矢堆牆頭

仙夢尙畱痕醉鄉不畱影酒人得天厚加于仙一等
融融入神化衆妙能獨領萬物過我前靜觀殊井井
忘情只濃睡旣醒亦非醒笑指糟邱臺會當凌絕頂
食邑五千戶不如封酒泉功名有真意所貴非貂蟬
傾耳聽羣動滔滔如逝川安知人海大我我相周旋

銷憂莫如醉何至無一錢仰天長歎息風雪方蕭然

觀津祈雨圖爲楊米人大令

琰來題

歲壬子楊君令武邑旱甚用衡水老農祈雨
雨立應故作圖紀事

大凡一千堆作壇席城繞地黃雲寬萬頭攢動看祈
雨雨氣未來風已寒衡水老農立天半黃冠野服依
稀見爐煙乍裊天爲低一片龍腥掃雲漠縣官愛民
心格天天人一氣相周旋暴尪暴巫已非古況持左
道誇通元村叟焚香董擊鼓紛紛插柳呼田祖丹青
寫出濟時心小草長林盡飛舞吁嗟乎書生爲政無

他長略能驅魃如驅羊
冑同俗吏盱人肉空向神淵
投虎骨我欲持圖勸司牧

風笛一首寄楊荔裳觀察

瘴雨蠻煙萬里情
數聲風笛想南征
一年人爲從戎
老百戰功難唾手成
帳外嚴霜調惡馬
夢中孤月挂前營
窮山魑魅搜求苦
早晚飛書荅聖明

乙卯冬日作

點樹昏雅小枯林瘦可憐
地寒花亦病風峭酒無權
冷日難消雪殘雲也蔽天
讀書甘忍凍不是化工偏

日本雙鏡

古鏡瑩然來日本鑄成曾照扶桑影開奩目眩心勤
搖中有明波千萬頃海客誇人贈一雙一雙冷月懸
清光靜觀一笑空諸有我我周旋恒吉祥

冬日無事手爲內子寫照得其神似而已內
子戲題一絕云愛君筆底有煙霞自拔金釵
付酒家修到人閒才子婦不辭清瘦似梅花
依韻和之

妻梅許我癖煙震彷彿孤山處士家畫意詩情兩清
絕夜窗同夢瑩生花

冬夜

月華低映小窗明好夢無多又五更清福自從閒處
領天寒高枕聽雞聲

夜思早作之齋與亥白兄飲酒作

冬煖何妨典敝裘一官如葉任沈浮詩遵院體吟逾
苦酒對家書醉亦愁轅下驂鐺無伯樂夢中蝴蝶是
莊周我能喻指曾非指人敢呼牛且應牛未必項強
難俯就須知水弱轉西流風花過眼原同盡雨雪懷
歸可自由歡趣儘多兒輩領狂名已散幾時收耳邊
毀譽都堪笑身外贏餘骨浪來疎放心情宜海嶽酸
寒骨相不公侯青天喚出雙黃鵠手把芙蓉問十洲

寄荅杜縣溪羣玉

尺書才到一尊開
始信朱提是雅材
難得長安風雪夜
故人常送酒錢來

乙卯十二月十四日亥白兄四十生日飲酒作

幾生能結弟兄緣
此日銜杯更靄然
從俗禮宜誇吉利
苦心人敢望神仙
天懷原出詩書外
歸志同依父母前
回想兒時真意味
不堪相對說中年

歲暮自述

辛苦謀生計總迂
俗人也似列仙癯
強尋書味圖遮

眼小助詩情學養鬚有筆那能追史漢不才深愧際
唐虞官閒歲晚鄉愁劇歌舞無心問九衢

傀儡登場亦偶然中朝耆舊許周旋徒勞家計搬薑
鼠易退才華上水船回憶鄉山真萬里來聽臘鼓又
三年催租人急詩難祭僻苦何如賈閬仙

嬾漫何曾賦逐貧醉鄉滋味太津津事能容俗猶嫌
傲交爲通財漸不親八口已甘終歲苦一衣敢望十
年新信天翁有無魚日莫笑臨淵結網人

弱冠彈冠數不奇我于身世復何疑官無起色奴多
叛人有飢容馬亦疲跨海月高原耐冷出山雲凍可

能奇殘冬風雪詩情遠手擘鸞箋却寄誰

乙卯十二月二十六日立春味辛舍人招同
穀人贊善墨莊舍人延更編修山尊孝廉肖
生居士小集敦經悅史之堂分韻得浩字

冬煖不知冬天晴春浩浩醉鄉無四序寒暄憑大造
感君遇我厚置酒愜所好舉箋慰飢渴強于麋梁稻
珍羞次第羅氣味化蘭鮑我本飲食人安知惜懷抱
東風欲改歲萬事紛如縑夢醒幻鹿隍行藏指龜兆
委心任天地何日非義昊冒學王半山斤斤惟執拘
除夕前一日吳穀人前輩王東林香圃昆仲

及亥白兄受之弟集飛鴻延年之室祭詩醉
後有作

歲除尊酒易招邀同檢吟箋慰寂寥萬丈詩魔何日
退一年心血此中消文章磊落期千古星斗光華際
兩朝畢竟醉鄉容我輩浩歌聲裏夜迢迢

祭詩分韻得飛字

京國三年久泥鴻早倦飛有情聊命酒得句半思歸
文字前緣厚風塵好客稀深杯憑自罰沈醉暫忘機

船山詩草卷十三

遂寧 張問陶 仲治

京朝集

丙辰

送吳山尊前同門就婚山左山尊繼婦爲淵

如觀察從妹

藻翰紛飛捷有神居然天上石麒麟性情豪處追前輩才藝分來了十人舌底翻瀾終自放醉中投轄不知貧相如典冊枚臬筆爭看凌雲氣象新

手披紗扇笑聲來韻事剛如玉鏡臺莫倚元龍湖海

氣須防謝女弟兄才分明好夢重迴枕消受名花遞
舉杯預想春風聞喜日一枝紅杏爲先開

丙辰人日與亥白兄受之弟飲酒

幾經人日醉鬚鬢忽中年虛士羞名下雄心退酒前
氣真惟骨肉詩好亦神仙九陌空簫鼓鄉愁正黯然

初春漫興

一院晴光睡起遲亂書堆裏坐移時心方清快偏無
酒境亦尋常忽有詩薄宦久紆經世策故人誰助買
山貲眼前栩栩遊仙夢爲蝶爲周總未知

春初與亥白兄飲酒作

又看庭樹長新枝依舊都城酒一卮官似唐花無氣
色身如梁燕久棲遲春塵擾擾愁方覺夜犬狺狺夢
不知枉被時流談姓字可憐人口數聯詩

正月八日兩峯寓齋分韻得鄰字

是日與海客筆談

遂引滄洲趣清談筆有神壺觴成雅集笠屐稱詩人
繡虎才雙絕騷壇氣一新不知天海闊舉酒問仙鄰

寄荅楊米人明府

瑛親

乾坤惟數子緣至卽相逢對酒同叉手看雲忽盪胸
宦情閒似鶴詩筆健如龍交豈關離聚瑤函又幾封
秀語標神韻新城一瓣香人言空唧唧我法自堂堂

毀譽時流暗淵源古趣長聲名在王後端爲老漁洋
莫厭風塵俗臨民最有情忘年交北海下考望陽城
能吏誰肝膽通人卽父兄不才慚橐筆無地說功名
別夢經時結遙遙丁字沽開絨詩律細堆案酒錢麤
乞食悲貧士雕蟲惜壯夫墨光騰劒氣慷慨報風胡
正月九日顧亭王丈齋中小集分韻得千字
限七言排律

珍重辛盤酒百壺老人星象應南弧書逢細字猶能
讀杖倚長藤不用扶塵外恒沙觀世久 殿中春晏
拜 恩殊聲名屏舍東西陸子弟詞源大小蘇前輩

威儀恭則壽列仙風貌道之腴忘年雅會知誰健卜
夜聯吟好自娛衣鉢望公傳慧可滑稽許我醉淳于
歸心莫與花爭發且聽絃歌遍九衢

春日奇寒對酒作

春晴日無色繞屋多悲風青陽氣不舒閉塞成隆冬
乾坤作奇冷萬象難昭融忍凍坐清晝蠢然如蟄蟲
攤書斟且讀不知杯已空人生貴適意百年花一紅
天時且難測何者爲窮通對酒發長歎欲歸山萬重
孤吟忽寒噤冰雪填心胸

漫興一首簡滄湄

不著奇文解客嘲迂疎久已忘塵勞敝車羸馬心情
適破帽殘衫氣象豪有定升沈空處見無根毀譽醉
中逃此身入世供遊戲俯仰何妨似桔槔

與石琢堂同年夜語

夢冷虛堂舊雨來幾年懷抱暫時開君能磊落心千
古我豈猖狂酒一杯幻境儘容蒼狗變天機應免白
鷗猜竟無知己身方貴聽到時名愧不才

思誤書圖爲未谷題

烏焉傳寫易成訛妙悟原因識字多莫笑蠹魚鑽故
紙累心塵網亦消磨

魚豕何曾誤曉人書逢思絕自通神須防甚解成穿鑿好挽淵明共寫真

元夜吳香竺同年

瑛

招同吳穀人前輩昆仲

胡梁園

枚

舍人及亥白兄集嚴少峯

榮

吉士

寓齋分韻得入字

酒病與年深醉鄉期不入難難持新戒屢爲故人執
煌煌元夜燈興飛觴自急枯腸得霖雨忽如龍起蟄
所守或非真居然成結習開懷忘賓主仙仙紛坐立
志士嘔亦豪其任何可及笑指糟邱臺參天終岌岌
正月十八日穀人贊善招同亥白兄陪顧亭

王丈及東林香圃昆仲集有正味齋分韻得

啼字

落燈風近且招攜腐史惟堪傳滑稽陳跡無聊轉驢
磨春深何處問鶯啼杯傾綠酒心難醉身到紅塵夢
不迷漫詡張王新樂府主人畱客要分題

丙辰春日喜稚存至自黔南

小別各萬里重逢今壬午酒因新病減詩望故人編
聽雨增奇夢看花補舊緣征苗諸將相返旆讓君先

題畫

右丞頗好道蘇晉欲逃禪詩酒皆餘事山林有少年

老柯參寶理琴趣妙無絃歎我風塵久披圖爲惘然

蔬香老人將歸金陵賦詩贈別

霜髯雪鬢望如仙風趣依然好妙年毀譽久空名下
士飛沈一笑夢中緣日邊遊興閒能補意外君恩
老更全歸去若談皇極宴杖藜親到九重天

雛鳳聲兼老鳳聲一家人好爲多情詩才脫口俱千
古茶話連宵易五更但覺交深忘異姓轉疑緣重已
前生幾時同聽寒江雨剝棗烹葵理舊盟

春江放棹圖爲許慕魯嘉猷題

春風吹夢繞鄉關春水初生一棹閒帆影迷離煙樹

外漁歌隱約畫圖閒飛來細浪都成雨遠到斜陽更
有山銷盡輪蹄無限鐵塵中能得幾人還

躊躕

文采安能傲腐儒聲華何必豔蓬壺久疑宦海無歸
路漸覺名場是畏途與世不宜輕去就誤人祇用幾
躊躕逃禪入道翻多事合買扁舟泛五湖

二月十九日出永定門暫至東高村卽目

出郭知春遠西山雪乍晴高原開日氣灌木聚禽聲
官馬黃初浴旗田綠未耕路歧邨逕熟老衲又逢迎

和馬廷亭

浩

前輩重赴鹿鳴詩

月明老桂長新枝歡晏三階自咏詩名大已超千佛
外丹成真到九還時喬南梓北聲華美舜丙堯辰際
遇奇廊廟山林清福備此中滋味幾人知

羣才濟濟畏前賢難得秋高共此筵六紀鄉書皆後
軍一朝恩勝重元年懸車偏際風雲會杖國還多
朝墨緣早晚重來聞喜宴願隨花馬執吟鞭

題夢遊圖爲胡夢湘題

璣

道心平遠色心奇熟透黃梁夢未疲右虎左龍何處
守朝雲暮雨至今疑積來非想都成幻悟到真空定
有期我欲拍肩輕喚醒露蘂煙柳正迷離

二月晦日燈下作

既醉居然夢無花也自春詩忙非急務官冷是閒人
攬鏡虛中歲攤書謝雜賓看囊錢久盡体笑不能貧

送王謙六

履吉

明府歸養

春山處處子規聲話到還鄉便有情入世誰能知去
就保身才不負生成似聞過是迴飄好那見棋從打
劫羸大海風波都閱歷尙餘何事未心平

台憫之役
謙六漂入

間洋
數日

聞天無鴈返東風山海蒼茫夢影中能退急流真灑
落不談時務亦英雄萊衣爭羨還山早錦水何年載

酒同竟補白華詩一首旨將此樂換三公

寒檠永慕圖爲稚存題

母心長兒心小書聲應機聲燈光爲忘曉書聲高機
聲暇熒熒無盡燈蟬聯不知夜父志母能成父書母
能教節義文章無不到使兒如父兒能肖賤可貴貧
可富偏是劬勞妨母壽學有名仕有祿春暉不照孤
兒哭君一寒檠一點紅千血圖畫無聲寫嗚咽寸
草心存卽母心拔心不死長淒絕

顧亭王丈以花隲夕陽遲詩意寫照題句寄
之

老去看春不草草春光九十猶嫌少青山深處萬花
濃日日憐花坐清曉花氣薰人雨乍晴淡紅香白漸
分明依依何止閒蠶蝶便是斜陽亦有情斜陽如爲
花畱戀一抹朱霞界天半暖日暉暉低近人妙才珍
重題花片嚴維麗句寫春融五字傳來抵畫工粉本
忽教公入手自圖清影上屏風人生樂事論懷抱白
頭未必輸年少浮世升沈鏡裏看天機到此真清妙
先生門對六朝山桃葉桃根倦往還帽影遠尋紅雨
外屐聲畱住白雲閒閒中曳杖忘朝暮富貴輕如草
頭露人境匆匆劇可憐拈花一笑生禪悟畫境詩情

自眼前圖成祗覺味纏綿好花官似迴風雪落照偶
如上水船層霄日月方紆縵 賜酒曾陪 皇極殿
兒齒重生儘醺游童心未盡猶詞翰雲出無心亦偶
歸江南江北正芳菲花閒遠寄平安字爲語羣鶯莫
亂飛

三月初旬連日陰雨懷亥白椒畦闌中

迢迢鎖院數嚴更一例排檐夜雨聲得水魚龍應吐
氣無言桃李正含情文章骨肉關心久山海風濤入
夢驚才大不難爲世用初元珍重此科名

四月十日雨夜被酒爲董孝廉 鍊金 題畫

婚宦銷磨強自寬風塵閱歷儘艱難詩書滋味山林
趣慚媿今宵畫裏看

丙辰夏日王鐵夫就華亭廣文任

簡傲今誰似斯人卽古狂時名參毀譽宦跡半行藏
絳帳尋高弟青山接故鄉海雲飛不定何處哭文章
伉儷才雙絕華顛並早衰有兒勤夜課無婢給晨炊
世大孤行易言高直道危古人先器識風度願委蛇
五月初九日雨夜枕上作

乞米書多漸廢詩故人如悔絕交遲可憐才與年俱
退惟有清貧勝昔時

百年身世一浮萍
幾盞醇醪養性靈
熟讀離騷還瘵
飲不妨我醉衆人醒

錢鍾石先生畫盤山五松圖

披圖笑指真松石
只當匆匆作草書
老樹精神奇至此
前賢風趣妙何如
詩懷華髮攜筇口
人想青山下筆初
畢竟廟廊清節重
參天材大不蕭疎

五月中旬感懷

只覺攻詩累此身
廢詩依舊滅精神
燕知官冷將遷壘
犬信家貧不吠人
拍案有聲驚債主
讀書無暇愧詞臣
炎炎長日空飢走
銷盡車前十丈塵

丙辰五月生日與亥白兄及謝康侯生晉查

蘭圃堂 俞禮蘭 大樟 王香圃 麟生 二癡 恩法

叔姪小集飛鴻延年之室以天生我才必有

用分韻得必字

自我屬有生壽夭何可必舉杯祝長庚聊以永今日

故人喜無多數止竹林七浮雲亦偶合良會尚真率

同氣愛已深忘形情愈密披衣不巾襪隨意具梨栗

開軒來清風炎威忽如失青山歸未能塵網事難畢

此地即醉鄉居之安且吉

喜田橋來都期柳畦亥白飲酒作

不屑治生產飄搖同至今幾無餬口計恐負讀書心
年長才偏退家成累已深長歌真當哭慨慷爲知音
我已歸難定君來更黯然升沈空閱世才命欲疑天
祿養知何日飢驅亦有年看囊同一笑羞澀買山錢
見面尋常事離居本未忘交深同骨肉貧極悔詞章
得氣輸同學無田惜故鄉浮生如我輩何以卜行藏
十五年如夢荆川更益州淒淒車笠誓草草稻粱謀
世枉生狂客人誰愛遠遊一樽燕市酒難共洗征愁

酬阿雨窗

林保

轉運見寄詩扇

忽來風一握開扇渺相思未見空搔首將書許論詩

因緣宜宿世名字豈新知佳句關心久拈毫欲和遲
五字今王孟披襟寫意園亭池甍宦跡魚鳥聽清言
名華心難俗詩人政不煩幾時親載酒話兩醉東軒
謝瞿鄒亭中必送酒
酒船新到每平分才擊泥頭已半醺醒客尋常空笑
我醉鄉緩急幸逢君誰從塵海迴青眼頗勝山人贈
白雲冷落交情猶好在糟邱不著送窮文

漫興

渺渺閒愁減帶團湘絃寫怨有金微浮雲一出原無
定大鳥三年竟不飛偶著詩魔增幻想爲防酒失捐

天機制衫典後朝參懶莫訝空堂舊雨稀

題趙渭川明府

希璜

雲車飛步圖

下界崎嶇上界平車聲安穩逐雷聲竟飛天外翻無
味小駐雲中却有情奇句拈來游興遠好山多處長
官清手揮雷雨如行縣不用羣仙苦送迎

送桂未谷

腹

之任永平

忘形爾汝亦前緣日日相尋問酒錢時望居然成老
輩交情何止爲同年科名偏向衰齡得心血終因小
學傳陳慨一官窮六詔白頭未擬賦歸田
儒官偶見宰官身已轉頭衙尙苦貧書擬八分專一

代酒飛三雅辟千人窮邊聽雨應懷舊
桑巷聞雞暫和鄰莫道天南風土異
隴言椎髻亦吾民

撲面炎風萬里餘國門驅馬意踟躕
醉中分手原如夢別後關心定有書
絕域能遊誇矍鑠老年爲政冒
巖疎宦場時論輕儒素憑仗吾賢爲掃除

塵緣空後見天機悔不高名占少微
入世幾人酬遠志畱心他日寄當歸
奇山塞路蠻煙細怪鳥呼風瘴
雨飛回首潭西舊精舍可容閒煞釣魚磯

夏日與趙味辛飲酒詩

舍人風格本飛揚潦倒新看鬢有霜
老不登科又命

古貧尤多病酒難狂眼中傀儡眞兒戲夢裏升沈易
夕陽撲筆推書同一笑年來我亦悔名場

誰折櫻桃贈一枝紫薇花底夢遲還尋常且聽應官
鼓五十聊吟自壽詩廣坐忽驚前輩少空囊漸畏故
人知風塵眯眼歸何晚話到青山醉不辭

敢從青史溯家風兩姓高曾際遇同事隔三朝猶想
象交聯五世幾窮通乘軒自笑氍毹鶴緣壁都成嶺
蝨蟲畢竟文章難報國相看搜句百無功

萬人如海任沈浮笑倚薰風上酒樓不樂豈能爭福
命此生何可誤窮愁無多心血終宜養有限狂名亦

易收天外飛仙須我輩黃沙影裏暫勾留

歎別

捲地炎風儘怒號夕陽影退衆星高
氣埋長劍光埋筆醒讀元經醉讀騷
漸散酒場還作鬧已闌詩興不能豪
投林倦鳥紛紛去獨鶴無聲下九皋

墨卿比部齋中與穀人侍讀味辛舍人春松
比部研農農部蘭士水部餞未谷明府之永
平以玉壺買春賞雨茅屋分韻得雨字

炎雲如勢交一日幾晴雨閉門開小晏
落落同心但解衣恣磅礴雜坐誰賓主
坐有遠行人圖南氣飛舞

酒闌更移席僮僕忘勞苦拚扇來天風庭空不知暑
醉鄉無禮節世態重爾汝感歎百年中歡場亦可數

題鐵冶亭

保

玉閨峯

保

兩侍郎師聯床對雨

卷子

山林廊廟外自寫弟兄情血性宛然在家風如此清
論文增友愛競爽亦公卿天趣懷坡顓無聲畫雨聲

月夜

醉倒何曾負月明夢魂常與月俱清故人不飲愁如
海空對寒光到五更

題戴花驕象圖送未谷之永平縣任

花枝搖搖圍白頭身騎大象高如邱蠻荒作吏儘奇
偉衙鼓不傳時出游長身短髮便便腹來往山林豺
虎伏乘軒跨馬爾何人俯首塵寰空局促獐男獐女
走且驚宰官高坐眞神明瓢箪蘆笛競馳逐御風疑
是空中行象鼻如龍開道路杜鵑如火紅千樹天涯
遠宦早歸來此是升庵荷戈處

丙辰七月初一日石琢堂同年招同吳少甫
吏部遊法源寺齋罷得句

清齋深悔別煙霞弔古雲堂日又斜人境無情空梵
貝鬼雄何代不蟲沙酒名在劫殘僧笑詩筆難禁老

輩誇獨抱閒愁誰解釋晚風淒亂合歡花

陶然亭雨後

江亭西望雨初晴山擁斜陽欲滿城秋樹高低都一色風蟬緩急不同聲酒能自遠寧辭醉詩被人知已近名冠蓋百年遊醺地蘆花應見古今情

初秋遣興

任從塵海觸虛舟慷慨何須賦遠遊世味已忘還愛酒天懷漸定不驚秋悟來形影皆蒼狗學到神僊恐白頭我似蟻蠓生且化一杯官爲俗人愁

送香園南歸

經歲遠爲客逢秋難送人醉中投刺懶開處定交直
朋盍惟君熟官閑念我貧三年情不淺忍看馬蹄塵
琴瑟看重御科名亦偶遲歸舟應載酒却扇好題詩
出處年猶少聲華世已知月娥新倚桂容易一攀枝
荷鋤圖山東新城令嶺南劉寄庵畫像也
王直庵考功同年屬題劉名大伸
一代傳循吏寥寥得幾人功能從我立民轉恤官貧
小邑聲名久窮邊學問真田園歸夢穩珍重畫中身

中伏謝劉松嵐贈裘裳

輕裘當暑贈交豈爲炎涼官遠猶寒士情真見熱腸
素心慚綈帶赤日凜風霜一醉和琴典從人笑酒徒

輓王蘅洲蘭芬同年同滄湄作

尋常撒手悟前因何必躊躇見在身放下屠刀君卽
佛嗟來桑戶我猶人三生慧業驚飛電一朵空花笑
轉輪編曲鼓琴聊命酒醉鄉無處著紅塵

題明沈俊畫鸚鵡塚卷子

卷藏趙味
辛舍人處

一坏青塚仗誰傳小卷風流二百年但解依人皆有
恨不離飛鳥亦堪憐文章銷骨閒中淚福慧傷心死
後緣異代招魂還我輩隴雲江樹更蕭然

目題小畫

新雨迎秋欲滿塘綠槐風過午陰涼水亭幾日無人

到讓與蓮花自在香

中秋與亥白兄飲酒

強笑酬佳節，塵勞非少年。
花依秋土冷，月向酒人圓。
小宴難招客，深杯暫學仙。
牙牙兩嬌女，圍坐亦欣然。

歌風臺懷古和友人韻

歸心慷慨雜悲歡，豐沛蒼涼異代看。
父老不知天子貴，風雲祇覺將才難。
樽前且自教歌舞，馬上憑誰策
治安何苦乾坤開殺運，令人拊髀惜彭韓。

丙辰初冬夜坐卽事

萬事有明日，一燈聊賦詩。
媿無酬世策，閒過少年時。

南雁猶中澤西鳥正繞枝浮雲吹不散凝望月華遲
丙辰冬日寄祝蔡葛山相國九十壽

聞天東望海雲紅詩寄青山祝相公一品官階歸更
好四朝恩遇福誰同科名舉世推前輩謹厚傳家見
古風 聖主億齡臣九秩大年何止夢飛熊

曾賦循陔補白華曾留講席在天家太平相業書千
卷大老歸心水一涯文醺消搖逢瑞雪 龍章飛無
過仙霞牡丹富貴梅清遠總是人間極品花

十月二十三日登陶然亭飲酒作

一雪居然散鬱陶到無人處飲方豪官隨疲馬俛寒

棧陡作神鷹掣怒條凍水不流空皎潔遠山相對忽
清高征南諸將今何似欲解官袍補戰袍

冬夜稚存招同壽民雪中飲酒既醉作歌

雪光忽照玻璃瑣城南故人爭折蘭藻翰紛飛酒氣
濃化身十萬難分遣驅車我獨訪洪厓七年古雪曾
同埋舊詩重讀天猶笑有客旁觀呼絕調扛來大甕
高于我主擊泥頭客吹火夜色蒼茫天乍低鬚眉恐
被同雲裹一園老樹枝杪杪盤空千翅飛驚鴉舉杯
臨風問黑帝誰儲萬斛空中花空中花影英英白鋪
向人聞作瑤席鼈飲輪囷牛飲豪此中醉臥能畱迹

嗚乎百年聚散泥鴻爪傀儡登場任顛倒瞥眼流光
喚不回浮蹤一過真如掃飛金尊擊玉壺仰天扣缶
聲烏烏不知二豪侍側是何物但覺我非故我吾忘
吾今之歌者其誰乎

味雪樓圖爲宋梅壑禮部

鳴琦

三姊涂母宋

孺人作

人境孤高畫境寒一樓詩思雪初殘才多或減閨房
福夢短方知伉儷難靜擁琴書成逸趣老看見女亦
清歡春風莫傲秋霜冷修到梅花遇轉安

無題

月雲流影夢遲遲拈得空花笑一枝人許學仙常送
酒天教入世爲吟詩他生慧業修應到何物浮名醉
不知剩有鄉山猶記想羽書戈馬正西馳

楚豫遙遙萬骨枯秦關蜀壘照兵符看人束手無長
策媿我埋頭亦腐儒聞外軍容何處整眼中民力幾
時蘇白衣猿獐成蒼狗忍看浮雲變態殊

猿鶴蟲沙浩劫同略求無過敢論功尸歸馬革恩終
負雪冷韉刀鬼不雄雨露有情農事苦風雷陡過戰
場空鄴侯讜議畱侯策誰運仙心補化工

說劒談兵亦偶然不畱我相卽安禪疲驢繞磨猶終

口野鶴乘軒已十年清濁無心忘毀譽行藏有數了
因緣玻璃枕是游仙枕一杵鐘聲入夢圓

題譚子受詩

妙手無拘礙通才有見聞道心一明月人境幾浮雲
對佛參奇句生見得至文詩壇要名將書劒莫從軍

英雄兒女圖爲譚子受光祜題

色卽是空儒亦俠見將軍身而說法美人奉酒出穹
廬快馬如龍動鱗甲獠奴勒轡頭猛虎戎幕喧喧競
笳鼓此是誰家白面郎攬衣直欲凌空舞手摩長劒
興飛揚茫茫大野奔牛羊眉閒陡見風雲氣杯底猶

含粉黛香吁嗟乎豎子輕儇豎儒俗浪搏功名空食
肉豔女妖童鬪不休陰符誰肯埋頭讀丈夫報天自
有真吐納日月常清新會作飛仙跨鸞鶴偶爲浮世
英雄人北風獵獵吹枯樹畫出勞勞送行處笑看團
花錦戰袍陽春一曲畱難住我聞御兵御女無二術
臨之不動心無失將才每自昇平練花影何妨鏡中
見殺機殺生機生到忘情日真多情君不見破軍破
舌無窮事都坐金丹未養成

觀奕丙辰十一月作

散漫空聞落子聲看他庸手較輸贏無聊一著尤堪

笑黑白模糊死尙爭

借中秋詩

丙午嘗作
天去今補

乾隆丙午閏七月十五日與亥白兄赴成都
應鄉試田橋自竿橋入城以中秋之夕予兄
弟當入闈因于是夜集沅溪樓下創借中秋
之會時陰雨浹旬至夜半天忽開朗月甚皎
潔因各賦長歌紀之

間中發興真超忽竟向青天借明月新秋置閨中秋
緩佳節隨時聊杜撰成都乍冷多淫雨雨脚如麻奈
何許戲擲飛箋召夜光萬人仰首看豪舉墨雲何蓬

蓬盪影俄西東忽然白蓮花湧出蛟龍宮蒼狗紛逃
黑蜨走素娥一笑天爲空金鑰翠杓光玲瓏今夜陰
晴獨闢誰能同酒人頌酒德陡覺天無功舉觴邀月
月在酒如吞玉鏡開心胸大樂千秋傲李白奇愁一
劃驚盧仝人生快意在俄頃身外何者爲窮通天爲
幄月爲燭醉鄉別有如天福安得百年夜夜月常圓
入月同聽紫雲曲君不聞人天八萬一千戶七寶莊
嚴修亦苦我曹乞相猶酸腐何不大展狂謀計終古
杯買斷清虛府歌舞千場詩萬場酒徒任竭恒沙
數朗朗三人在廣寒開筵轉作中秋主飛白榆權子

母量金粟忘寒暑蟾蜍顧兔充童豎遊戲神仙作麋
賈坐令一生詩通酒券從天補

題丙午借中秋圖

江橋門下浣溪前舊影迷離竟十年拋去流光何日
返借來明月暫時圓飄搖心緒愁中冷磊落精神畫
裏傳玉壘金躔無恙否幾番回首故鄉天

從溫負坡前輩如适索香山蠟油

粵客製蠟油油凝墨露如詩風趣仕頗得江山助
中朝賓醺羅八珍食單競數誇奇新酌來偶配西洋
酒月餐尋常飲食人琉璃瓶開香醒胃一勺登盤饜

遠饋願與東坡謫嶺南
蠔乎我欲空餘味我聞
炎洲舊品梅花蠟補傷
除熱周榮衛江珧有柱
鰓無鱗脆醃還憑此調
劑三年未達廣州書蠔
山萬里今何如不知許
事且飲酒下箸沈吟頗
爲渠珠江仙史笑口開
區區相界何難哉自矜
縮地有神術但草新詩
爲取來知君誑語聊枝
梧定有長鬣猶滿注何
不開筵雪月中相如後
至還能賦紅螺杯文犀
箸刻燭聯吟徵掌故補
入虞衡志中去莫使吾
鄉踣醬名三川蠔乎亦
藉君詩傳

古寺和韻

悄然誰禮梵王宮惡樹千尋倚暮空萬翅盤風鷗點
黑一星奪月鬼燈紅興衰如夢斜陽遠頌禱無靈浩
劫同時有樵人拾遺像細敲佛骨辨青銅

丙辰仲冬十三日得簡齋先生手書答詩代
柬

三年重疊秣陵書總爲神交問酒徒健筆一枝容我
借奇才兩字媿公呼心長肯被虛名誤翼短原須大
雅扶燕市月高愁獨立幾人迴眼恕狂奴

八秩新詩萬古傳塵中隨意作飛仙文心已白開千
古人壽何妨過百年雨姓奇緣雙鬢好夫人四朝清

福一身全謝家裘屐皆名士風雪聯吟正藹然

畫舫金陵憾舊遊小倉煙景望中收十年尙記山如
畫一病非關刺嬾投芳訊忽通驚老輩惡詩重駁許
千秋盤空鸞鶴迴翔久轉覺仙輶爲我留

渺渺浮雲笑此身女嬌妻瘦一家貧蕭條史筆閒無
用歷亂鄉山夢不真遠道弟兄如性命衰年父母尙
精舫郵詩未敢談京雒祗恐梅花解笑人

十一月十九日溫步容編修招同趙味辛童

春厓及哲昆熙堂竹溪汜香吟舫小集分韻

得船字

北風吹夢逼殘年
寒夜開樽月尙圓
對客清癯人似鶴
翦燈瀟灑屋如船
酸醎味向閒中領
羣落神從醉後全
脫帽莫嫌忘禮數
揮毫從古恕張顛

丙辰十二月二十三日懷亥白兄時還山西
行當入秦棧

風雪征途一劒寒
計程此日過長安
傳聞羽檄馳三輔
或恐鄉雲阻七盤
何處淹留驚戍火
有人辛苦據歸鞍
漢中形勝關秦楚
何止崎嶇蜀道難

莽莽巴渠又列營
滔滔漢沔正徵兵
故鄉山影愁難破
客路風聲夢亦驚
衰老庭闈頻悵望
飄搖兄弟倍

關情一官我更歸何日搔首西南欲請纓

題畫冊

零縑碎墨偶傳神遊戲人皆磊落人可把丹青貌行
路酒酣慷慨畫流民

乞丐冊

十年磨刃更裴回浮世恩仇亦可哀莫倚于聞園頸
土憑空一劍忽飛來

劍俠冊

題肖生畫梅冊却贈

見梅不見紙仙筆妙通神絕品拈花手前生放鶴人
悟從三日雪笑此一枝春何處邀明月憑空爲寫真

丙辰冬日飲酒作

何處得名酒澆愁苦亦甘家貧憐犬弱身儉覺奴貪
冷宦那誰好勞人無可談後心憑閱世我法卽瞿曇
讀史銷寒夜窗燈黯黯紅舉杯傷隱逸看劍想英雄
故紙收千鬼空花散五蟲百聞輸一見班馬尙朦朧
一代眞詩筆空言定埽除未知當日事枉讀古人書
識起歌謠確文刪史傳疎有才無抱負我又薄相如
獨往乾坤大茫茫笑此身銷憂除是醉知己妙無人
狐蜮情千變冰霜氣一新仰天對長夜歷歷數星辰
丁月初五夜燈下作

官冷如流寓淹留又幾年鄉心增歷亂詩思苦纏綿

醉有持籌婦貧無譏客錢久拚書籍賣歸計亦空懸
今夕何夕歌

天撓夜半製甲子鬼聲烏烏哭倉史七竅玲瓏渾敦
死十二萬年一彈指黃土搏人搏不止千頭濺濺穿
沉滓倏無倏有相終始我生悠悠乃如此今夕何夕
醉不知夢中烏兔爭西馳呱然墮地誰鞭笞絡首穿
鼻無人辭宛彼紅蓮花獨出清漣池相看大笑來何
遲參米汁佛持軍持傾杯覆萬象一氣無參差太空
蕩蕩真吾師嗟汝儵忽惡知之

歲暮雜感

錢歲迎年已四年幽并花雪苦流連思鄉有夢驚烽
火報國無文媿俸錢薄宦門庭常似水愁人詩酒不
能仙天街急景催車馬摺肘風窗白日眠

兩年兵火照三湘將帥連營守夜郎誰埽欒槍清洞
穴轉驚笳鼓動荆襄故人寂寞多新鬼古戍荒寒半
夕陽馬革總疑非上策重臣何用死沙場

悄無人語夜迢迢代馬衝寒氣已驕雪仗風威終易
化煙隨雲勢亦須消高歌斫地聲悲壯醉眼看天影
動搖浮世功名是何物酒鑪慷慨擲金貂

誰量身世數恒沙渺渺浮生此一涯久息名心翻貝

葉強摩冷眼看冰花貧無可捄愁原誤詩有難言註
轉差同首高堂天萬里不堪風雪問三巴

嘉慶丙辰臘月十九日與趙味辛溫謙山

能兩舍人方茶山伊墨卿兩比部溫質坡洪

稚存兩編修集于稚存卷施閣爲東坡先生
生日設祀稚存屬摹先生畫像并題長何紀
之

寫真何處想髯蘇點筆聊摹笠屐圖我爲鄉人誇坐
客公畱生日醉狂奴文章事小功名大忠孝心長意
氣孤七百餘年前後輩玉堂清夢未應殊

稚存寓中爲東坡先生作生日之明日丹稜
彭田橋移寓子齋因復繪先生小像相與醺
飲爲樂如今世俗禮之補祝也亦題一律屬

田橋和之

文光可止照峨岷再拜先生畫裏身同似泥鴻還隔
代能逃磨蝎定何人詩才磊落難爲繼醉眼模糊易
寫真一笑又輸君勝我眉州親切古鄉鄰

重檢記日詩稿自題十絕句

少作重繙只汗顏此中我我却相關惡詩儘有真情
境忍與風花一例刪

刪詩

一字真如博浪椎僧敲畢竟異僧推靈鉞未乞于孫

巧子細雲衣漫改爲

改詩

欲寫天真得句遲我心何必妄言之眼前風景床頭

筆境過終難補舊詩

補詩

改罷長吟未忍拋烏焉悔命俗胥鈔六州難鑄他人

錯何苦庖丁不治庖

鈔詩

說法何妨偶見身須眉好在是他人浮雲已過休重

問只當空花墮轉輪

代作

新奇無力鬪詩豪幾度雷同韻始半香草美人三致

意苦心安敢望離騷

複語

無功歲月強編年舊夢如雲尙了然謾語譚言聊自賞快心原不在流傳

編年

南船北馬意踟躕到處應畱記事珠也擬一年分一集浪遊蹤跡恐模糊

分集

秉燭新裝十卷詩鍼光綫影夜參差一函故帙難畱贈終望人知勝我知

裁詩

年來我漸悔雕蟲纔勞精神氣轉雄招亦不來麾不去有聲終夜在空中

祭詩

醉司命日與田橋飲酒作

荀香聊命酒風味似山林醉有朝天興寒無媚寵心

恩多愁力弱交久覺言深渺渺酬時策沈吟感至今
有筆

有筆妙能使純功非自然賈廉財不匱軍亂將無權
真極情難隱神來句必僊轉疑心得少容易著千篇

黃小松

易

作詩龕圖寄法梧門祭酒爲題一

律

高澹倪迂筆無聲待賞音詩中開悟境象外寫仙心
迦葉此時笑羚羊何處尋天然雨居二相證道根深
丁巳

丁巳寅月辰日夢三人立戶外倏化二虎一

豹豹人立將撲予子飛一劒擊之豹斃二虎
驟起倉皇間若有人從旁復授子雙劒連擊
虎虎雙殪出戶仰視墨雲蟠空際一龍驟見
鱗爪純金色光焰奪目望之如畫遂驚寤予
素不信妖祥占卜之事況夢之迷離恍惚者
耶聊紀十六字以冠丁巳一歲詩亦游戲神
通云爾

正月初
二甲辰

虎變豹變龍光劒光吉夢噩夢輝我文章

正月三日壽徵席上題紅梅

愁紅怨紫漫相猜誰貌羅浮片影來畫到腮支顏色

冷始知桃李是簷林

甬東聽雨圖爲前軍門陳樹齋

大用題

陳以江南

提督削籍此圖是其任寧波時所繪陳初以祖功世襲子爵

北風弇日南風競塵土汗人愁欲病揮塵晴窗對故
侯雨聲忽向圖中聽陳侯智勇今儒將橫海頻年資
保障大劔長槍或有人似聞名士惟臣亮一卷陰符
靜中寫拈毫不是耽風雅天吳紫鳳夜騰光欲挽天
河洗兵馬韜鈴無用敢裴回轉爲昇平屈將才對簿
乍驚絲底事縱教無語亦堪哀卽今痛定還思痛世
臣獨荷君恩重策蹇長安訪舊遊相看握手都疑

夢新知亦作舊交憐話雨披圖各惘然指點甬東脩
竹影寫真已是十年前十年人世匆匆改且幸須眉
猶好在期君終望畫凌煙我尚持杯問東海

春日贈邵五

到門不用投賓刺繞屋兒童呼姓名慷慨詩多驚俗
眼周旋禮廢見交情零星酒過能相恕潦草雄心久
未平莫歎荆高今冷落市人爭聽和歌聲

吳鐵華

春霽

正月四日典衣置盆梅作詩戲

贈

詩人游倦轉風華笑典征衣爲買花二月春寒難準

備一窗疎影易橫斜空囊重檢琴堪弄半臂誰添酒
更賒爭忍神仙無眷屬妻梅妙算不曾差

夢禪居士

瑛寶

指畫夢月圖見贈作詩誌謝

先生彈指生明月人影天光一掃空圓缺總拋身世
外丹青也幻有無中縱經曠劫心仍在可惜浮漚夢
不同莫笑畫禪奇氣少因時能睡卽英雄

人日立春

積雪經冬未掃除故鄉花柳近何如看春恰喜逢人
日避客惟堪讀我書詩味酒情中歲減雲光天影一
年初東川兵馬無消息可有條風到敝廬

立春日童春厓

廣陽

二厓

箴

招同味辛稚存

賃坡謙山竹溪集吾心書屋分韻得流字

京朝盛賓醺歲時爭獻酬新年晝夜醉強酒幾如仇
喜君觴政寬按戶無苛求銜杯真宴樂次第羅珍羞
笑語何從容拂面條風柔妙逢人日春百體俱休休
靈辰汙生氣緩步登糟邱我曹僦蟲長差異羊馬牛
齋心對上帝立腳持中流參天能自貴何必公與侯
身光籠萬象呼吸通九州下筆卽霖雨餘事猶于秋
會當成神明背擁雲龍旂胡爲混毛羽搖尾聲啁啾
胡爲儷草木無知供簸蹂擾擾赴塵夢槐柯寧久留

倏焉嘅生化鬼國紛然投形骸亦虛器可笑不自謀
皮骨附膠革肺腑撐戈矛登場笑傀儡一散何時收
人耳復人耳叫跳驚莊周古人日以古逝者空悠悠
此日足可惜此身當愛不四筵服雄辯華燭皆低頭
仰觀三素雲斗杓回孟陬浩歌弄新月同作清虛游

正月八日

鄉夢急花前春人思渺然陰晴迷穀日疑信卜豐年
雪嶺猶征戍山租早問蠲荆揚憂米價舉箸待三川

春日

轉因浮薄想拘儒悔把功名問酒徒聽到大言增媿

乍看來小事要糊塗逢場未礙須眉冷經世終防意
氣麤猶怪頻年餘結習背人子細讀陰符

正月九日大風二十八韻和田橋

晝煖和風翔明媚開春陽深宵倏變化萬物心傍徨
大聲蟠六合一氣隨低昂其興旣已暴其力真強梁
初疑起窮巷捲地搜倉箱旋驚掃星斗列宿收鋒芒
呼高勢轉蓄一縱逾猖狂彌天蒙白日吹世成洪荒
斯人豈散亂爲汝奔倉皇斯人豈隱伏爲汝迷行藏
非時作威福喜怒來無方雌雄爾何物雷鼓偏堂堂
竊聞風所職含煦百彙昌刈爵亞公侯秉德兼柔剛

化機任條暢所被忘炎涼調元佐解阜馭猛資飛揚
天心實仁愛爾胡鳴不祥天道正清明爾獨昏無光
吹噓亦易盡跋扈安能長萬事畏驕滿爲幻毋誇張
排空久摩盪終爲人所量焚輪忽墮地塵土空茫茫
嗟予守廨屋震動殊尋常家徒四壁立拔去庸何傷
上憂靈曜弇下恤千夫僵方春詫寒凍此失當誰償
仰攀五色雲隻手披天閭請斬飛廉魂虎拜重賡颺
玉川子像爲陳聞之題

游戲韓門氣不酸不爲島瘦不郊寒詩人婢僕何妨
醜只作妖童豔女看

悟詩圖贈邵五

悟詩如悟禪真空參不壞一點妙明心融融大千界
燒火判

土偶無靈也熱中悍然捫腹太空空神威炙手聊兒
戲下策焚身遂火攻照膽終宵驚鬼蜮燃臍何日到
奸雄尋常莫笑焦頭客烈燄薰天便不同

王春波瀟湘雲水卷子

何處無雲水瀟湘秀可憐詩才會我助畫境得君傳
別後山應笑拈來筆已仙風帆迷遠近指點十年前
煙樹淡無際揮毫蘭芷香家風有塵詰墨趣是襄陽

捫帡波光潤開圖雨氣涼臥游情不淺幾夜夢江鄉

丁巳春夜枕上作

五年花雪改朱顏欲謝塵勞苦未閒忽忽西風吹夢
去月明何處益州山

丙辰以來二雲學士下世魚山比部憂歸未
谷大令之雲南鐵夫校官之華亭椒畦歸崑
山亥日兄回里比者穀人侍讀亦將乞假歸
杭州兩峯山人亦將歸揚州酒人雲散一別
如雨慨然有作忽不自知其言之悲也

一年人老杜鵑聲惜別傷離更死生厄遇龍蛇真有

懣散如風雨太無情春回燕市誰攜酒冰合巴山未
洗兵午夜書空空咄咄荒寒歸夢不分明

題吳子華

文桂

就和軒時寓僧院

北游隨分遣詩懷偶占幽栖遠六街秋寺月高人似
鶴春庭花亂酒如淮閒中觀世才逾練淡處論交味
轉佳一卷南華聊自適不妨談笑雜齊諧

題吳子華梅花小照

文桂

何處探梅客清如一鶴來氣高神淡遠香動影裴回
詩合愚空得花疑昨夜開舉頭弄明月我欲借仙才